

**UGOVOR
O JAVNOJ NABAVCI ROBE
-TOGE I KAPE**

Zaključen između Ugovornih strana:

1. Univerzitet u Sarajevu, Obala Kulina bana 7/II, Sarajevo, koga zastupa rektor prof. dr. Rifat Škrijelj (u daljem tekstu: Ugovorni organ)

ID broj: 4200494560007

i

2. Willona d. o. o. Zagrebačka b.b. 71 000 Sarajevo, koga zastupa direktor Azra Vilić (u daljem tekstu: Prodavac)

ID broj: 4201781670006

Broj transakcijskog računa: 3386902248479030 otvoren kod UniCredit Bank d.d.

Ovaj Ugovor se zaključuje na osnovu Odluke o dodjeli ugovora broj: 0101-7838-3/17 od 29. 11. 2017. godine, koja je donesena nakon provedenog postupka direktnog sporazuma.

I. PREDMET UGOVORA

Član 1.

Predmet ovog Ugovora je nabavka robe-TOGE I KAPE, za potrebe i po zahtjevu Ugovornog organa, u skladu sa Zahtjevom za dostavljanje ponude broj: 0101-7838-2/17 od 23. 11. 2017. godine (u daljnjem tekstu: Zahtjev Ugovornog organa) i Ponudom Prodavca broj: 27/11-17/01 od 27. 11. 2017. godine (0101-7964/17 od 27. 11. 2017. godine) (u daljnjem tekstu: Ponuda Prodavca). Prodavac se obavezuje da u skladu sa Zahtjevom Ugovornog organa, Ponudom Prodavca i pozitivnim propisima koji uređuju predmetnu oblast, izvrši nabavku predmetne robe. Ponuda Prodavca je u prilogu i čini sastavni dio ovog Ugovora.

II. CIJENA

Član 2.

Ukupna cijena ovog Ugovora prema specificiranim robama, količinama i ugovorenim jediničnim cijenama iznosi:

5.940,00 KM bez PDV-a

(slovima: pethiljadadevetstotinačetdeset KM i 00/100),

što sa uračunatim PDV-om iznosi:

6.949,80 KM

(slovima: šestiljadadevetstotinačetdesetdevet KM i 80/100).

Cijena predmetne robe je formirana na paritetu DDP krajnji korisnik.

Ugovorene cijene iz stava 1. ovog člana su fiksne i neće se mijenjati za vrijeme trajanja ovog ugovora.

III. FAKTURISANJE I NAČIN PLAĆANJA

Član 3.

Ugovorne strane su saglasne da će Ugovorni organ izvršiti plaćanje preuzete robe u roku od 30 (trideset) dana od dana prijema potpisane i ovjerene fakture od strane Prodavca.

Prodavac dostavlja fakturu na adresu Ugovornog organa: Univerzitet u Sarajevu, Obala Kulina bana 7 (Pisarnica), 71 000 Sarajevo.

Plaćanje se vrši po dospijeću na transakcijski račun Prodavca.

IV. MJESTO ISPORUKE

Član 4.

Mjesto isporuke predmetne robe je na adresi Ugovornog organa:

-Univerzitet u Sarajevu, Obala Kulina bana 7/II, Sarajevo.

U slučaju da dođe do promjene mjesta ili adrese u toku trajanja ugovora, Ugovorni organ će pismeno obavijestiti Prodavca o promjeni, uz napomenu da promjena mjesta isporuke robe ne može uticati na zaključeni ugovor.

V. ROK I NAČIN ISPORUKE

Član 5.

Prodavac se obavezuje da će isporuku predmetne robe vršiti sukcesivno u skladu sa potrebama Ugovornog organa, i to najkasnije 1 (jedan) dan prije održavanja manifestacije promocije doktora nauka.

Ugovorni organ će blagovremeno obavijestiti Prodavca o datumu održavanja manifestacije promocije doktora nauka.

Član 6.

Kao dokaz izvršene isporuke robe, Prodavac uz račun prilaže otpremnicu, koja mora biti potpisana od predstavnika Ugovornog organa i Prodavca.

Ukoliko Ugovorni organ utvrdi da je Prodavac isporučio robu koja nije u skladu sa zahtjevom Ugovornog organa ili da na isporučenoj robi postoje nedostaci, Ugovorni organ će odbiti preuzimanje robe, istaći primjedbe na robu odmah, a najkasnije u roku od 3 (tri) dana.

Prodavac je dužan da u roku od 3 (tri) dana, o svom trošku izvrši zamjenu i dostavi Ugovornom organu drugu robu bez nedostataka.

Ukoliko Prodavac ne isporuči drugu robu bez nedostataka, ni nakon isteka roka iz prethodnog stava ovog člana, Ugovorni organ može jednostrano raskinuti ovaj Ugovor i ima pravo na naknadu štete.

VI. OBAVEZE UGOVORNOG ORGANA

Član 7.

Ugovorni organ se obavezuje da:

- Prodavcu odredi termin za svaku sukcesivnu isporuku predmetne robe;
- izvrši pregled i preuzimanje isporučene robe, bez nedostataka;
- da plati primljenu fakturu Prodavca, u skladu sa članom 3. stav (1) ovog Ugovora.

VII. OBAVEZE PRODAVCA

Član 8.

Prodavac se obavezuje da:

- isporučiti predmetnu robu u skladu sa Zahtjevom Ugovornog organa i Ponudom Prodavca;
- izvrši sve radnje neophodne da roba bude spremna za prijem kao što su: pakovanje, otprema, utovar, prevoz i osiguranje, te prevoz i istovar do krajnje destinacije i sve druge usluge u smislu pripreme robe za prijem na njeno odredište;
- snosi sve rizike do konačnog prijema robe na krajnjem odredištu;
- izvrši isporuku predmetne robe na mjestu i u roku utvrđenom ovim Ugovorom;
- kvalitetno i uredno izvrši ovaj Ugovor u skladu sa nalogima Ugovornog organa, važećim propisima, pravilima i standardima struke za ovu vrstu posla, štiti prava i interese Ugovornog organa, te ga obavještava o toku realizacije Ugovora;
- riješi eventualne reklamacije Ugovornog organa potpisane od strane ovlaštenog predstavnika Ugovornog organa,
- ispostavi fakturu za isporučenu robu.

VIII. TRAJANJE UGOVORA

Član 9.

Ovaj Ugovor se zaključuje na period do realizacije ugovorenih količina predmetne robe utvrđenih u Obrascu za cijenu ponude-PRIOLOG II, koji je sastavni dio Zahtjeva Ugovornog organa i Ponude Prodavca.

IX. RASKID UGOVORA

Član 10.

Ugovorni organ ima pravo raskinuti ovaj Ugovor i pravo na naknadu eventualne štete u slučaju ako Prodavac u cijelosti ili djelimično ne izvrši obaveze iz ovog Ugovora u ugovorenom roku, a koje nisu rezultat kašnjenja preuzetih obaveza Ugovornog organa.

Ugovor može biti jednostrano raskinut dostavom pismene obavijesti drugoj Ugovornoj strani 15 (petnaest) dana prije raskida.

Obavijest mora sadržavati razlog raskida ugovora.

U slučaju raskida ugovora, Ugovorne strane su saglasne da će u svemu izvršiti međusobne uzajamne obaveze nastale do tog roka, u skladu sa realizacijom ovog Ugovora.

X. UGOVORNA KAZNA

Član 11.

Za svaki dan kašnjenja u isporuci robe do kojeg je došlo krivicom Prodavca, Prodavac se obavezuje da Ugovornom organu na ime ugovorne kazne plati 0,2 % od ugovorene vrijednosti robe, a najviše 5 % (pet posto) od ukupno ugovorene vrijednosti robe.

Prodavac je dužan platiti ugovornu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovornu kaznu ukoliko je do kašnjenja došlo usljed više sile.

Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati, niti ih predvidjeti.

XI. ZAVRŠNE ODREDBE

Član 12.

U skladu sa članom 72. stav (6) Zakona o javnim nabavkama BiH, Prodavac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 13.

Ugovorne strane su saglasne da se za sva druga pitanja koja nisu regulisana ovim Ugovorom, a budu od značaja za implementaciju istog, primjenjuju odredbe Zakona o obligacionim odnosima.

Član 14.

Ugovorne strane su saglasne da sve eventualne sporove rješavaju sporazumno, a u slučaju da sporazum nije moguć, ugovora se nadležnost stvarno nadležnog suda u Sarajevu.

Član 15.

Ovaj Ugovor stupa na snagu kada ga potpišu i ovjere ovlaštteni predstavnici Ugovornih strana. Datum kasnijeg potpisivanja ovog Ugovora, smatra sa datumom stupanja na snagu ovog Ugovora.

Član 16.

Ovaj Ugovor je sačinjen u 4 (četiri) istovjetna primjerka, od kojih po 2 (dva) primjerka zadržava svaka Ugovorna strana. Svi primjerci važe kao original i imaju jednako pravno djelovanje.

ZA UGOVORNI ORGAN

Rektor


Prof. dr. Rifat Škrijelj

Broj: 0101-7838-4/17
Sarajevo, 01.12.17

ZA PRODAVCA

Direktor


Azra Vilić

Broj: 02-12/17
Sarajevo, 02.12.2017

